

3. IGICE CYA III: IBINYABIZIGA

3.1. UMUTWE WA MBERE: UBURUMBARARE

Ingingo ya 57:

Uburumbarare bw'ikinyabiziga cyangwa bw'ibinyabiziga bikururana n'ibirenze ku mubyimba wabyo hatabariwemo amatara yerekana icyerkezo n'indorerwamo zibonesha ibiturutse inyuma ntibishobora kurenza izi ngero :

1. *Ubugari bupimiwe mu butambike ubwo ari bwo bwose : metero 2 na santimetero 65. Ariko ubugari bwa romoruki ntiburenze :*
 - a) *Santimetero 75 iyo zikuruwe n'igare cyangwa velomoteri*
 - b) *Metero 1 na santimetero 25 iyo ikuruwe n'ipikipiki idafite akanyabiziga kometse ku ruhande.*
 - c) *Ubugari bw'ikinyabiziga gikurura iyo gikuruwe n'ipikipiki ifite akanyabiziga kometse ku ruhande rwayo, cyangwa iyo ikuruwe n'ikinyamitende itatu cyangwa ine , gifite cyangwa kidafite moteri .*

Byongeye kandi ibinyabiziga bihinga , iyo biva aho biba bijya mu mirima cyangwa iyo bitahuka kandi bikaba bitarengeje umuvuduko wa kilometero 20 mu isaha bishobora kugera kubugari ntarengeye bwa metero 3

Ariko ibice by'inyuma bihindukizwa cyangwa bishobora gukurwaho nta ngorane, bigomba guhinwa cyangwa gukurwaho kugirango ubugari bugabanuke mu gihe bikigendera mu nzira nyabagendwa.

Uburenganzira buvugwa mu gika kibanziriza iki bukurikizwa ku mashini zikoreshwa n'abapatanye imirimo , iyo zivuye mu igaraji zijya aho imirimo ikorerwa, cyangwa iyo zivuye mu mirimo zimukiye ahandi, ariko ntizirenze umuvuduko wa kilometero 20 mu isaha.

2. Uburebure bw'ikinyabiziga cyangwa bw'ibinyabiziga bikururana :

- a) *Uburebure ntiburenze metero 7 ku kinyabiziga gifite :*
 - Umutambiko umwe uhuza imipira
 - Imitambiko ibiri ikurikiranye mu bubugari bwayo, ni ukuvuga imitambiko yihindukiza kucyo ifungiyeho ;
 - Imitambiko ibiri ifite ikiyihuza, kandi intera hagati yayo ntirenze metero imwe na santimetero 60 ni ukuvuga imitambiko ikoranye ariko hatabariwemo icyuma cyagenewe ibikurura.
 - b) *Uburebure ntiburenze metero 11 ku binyabiziga bifite imitambiko ibiri cyangwa irenga, hadashyizweho icyuma gituma zifata iyo ari ikinyabiziga gikuruwe, n'ikindi cyangwa gikuruwe n'inyamaswa.*
 - c) *Uburebure bwa makuzungu ntiburenze metero 17 na santimetero 40*
 - d) *Mu gihe umuhanda umeze neza , Ministiri ushinwe gutwara abantu n'ibintu ashobora kwemerera ibigo bya leta cyangwa ibindi bigenewe gutwara abantu, kuwunyuzamo ibinyabiziga byazo bifite uburebure butarenze metero 13.*
 - e) *Uburebure bw'ibinyabiziga bikururana, hashyizweho ibituma zikururana icya mbere kikaba gikururwa n'inyamaswa ntiburenze metero 18.*
3. *Ubugari bw'ikinyabiziga : metero 4 na santimetero 20.*
 4. *Igice kirenga ku biziga*
 - By'inyuma : metero 3 na santimetero 50
 - By'imbere : metero 2 na santimetero 70;